

ՄԱՐԴԵՐԳՈՒԹՅՈՒՆԸ ԳՐԻԳՈՐ ՆԱՐԵԿԱՅՈՒ «ՄԱՏԵԱՆ
ՈՂԲԵՐԳՈՒԹԵԱՆ» ՊՈԵՄՈՒՄ

ՀԵՍՆ ԳԱ թղթակից աճղամ Վ. Ս. ՆԱԼԲԱՆԴՅԱՆ

1

Մարդու «հայտնադործման» ուղղութիւնով (որը, ինչպես հայտնի է, հանդիսանում է Վերածննդի դարաշրջանի արվեստների ու գրականութեան կարեւորագույն նվաճումը) «Մատեան ողբերգութեան» պոեմում, այդ «աստվածաբնար» մատյանում տաղերի համեմատութիւնով նարեկացին ստեղծագործական մի նոր խիզախում կատարեց՝ մեծապես ընդարձակելով մարդ-արածի բնութագրման շրջանակները, խորացնելով ու նոր, կարևոր գծերով հարստացնելով ու կատարելագործելով մարդկային էութեան գեղարվեստական վերծանման պատմափիլիսոփայական և գեղագիտական սկզբունքները:

Բոլորովին նոր հայացքով մերձենալով մարդու՝ քրիստոնեական կողմից ըստ էութեան մերժված, «մեղսամակարդ» հայտարարված մարմնի արժեքավորմանը, նարեկա վանական քերթողը համարձակորեն փշրեց դարերով սրբագործված քարացած պատկերացումներն ու հոգևոր երգի ավանդական շարունը՝ իր «փոքր» պոեզիայի քնարական մի քանի սքանչելի կերտվածքներում (ճիշտ է, այլաբանական բնույթի) հոգու իրավունքի հետ միասին փաստորեն հավաստելով նաև մարմնի իրավունքը՝ առայժմ շեշտը դնելով, սակայն, միայն մարդ-արարածի (անունով, ասենք, դա տիրամայրն էր) մարմնական բարեմասնութիւնների, մարդու ֆիզիկական գեղեցկութիւնների պատկերման վրա: Այստեղ ևս, ինչպես այլուր, անտարակույս, յուրովի դրսևորվել է բանաստեղծի՝ մարդու արժեքավորման, նրա վեհացման հումանիստական մտահայեցողութիւնը: Մինչդեռ «Ողբերգութեան մատյանում» արդեն, պատկերման գլխավոր կենտրոնը փոխադրվում է մարդու հոգեկան խրթնիմաստ, դժվար վերծանելի ներաշխարհի, այսպես կոչված «ներքին մարդու» վրա, թեև քերթողը չի մոռանում նաև մարդու ֆիզիկականը՝ բնափիլիսոփայական հետաքրքիր տեսանկյունով մերթ ընդ մերթ անդրադառնալով նաև մարդկային դույի մարմնական արժանիքների գնահատութեանը: Ինքնին հասկանալի է, որ վերոհիշյալ հանգամանքը բանաստեղծից պահանջում էր ոչ միայն հոգեբանական քննախուզումների առանձնահատուկ սկզբունքներ, այլև իրականութեան գեղարվեստական յուրացման նոր եղանակներ, նոր արտահայտչամիջոցներ ու ձևեր:

Սույն հոդվածում մենք կանգ կառնենք նարեկացու կողմից մարդկային էութեան ընկալման հետ առնչվող որոշ հարցերի վրա, որոնց պարզաբանումը, ինչպես կարծում ենք, կնպաստի ավելի ամբողջական ու խոր բացահայտելու նարեկացու վերածննդական հումանիզմի մի քանի կարևոր յուրահատկութիւնները, բնութագրելու նրա փիլիսոփայական ու գեղագիտական ընկալումների էական սկզբունքները:

Ամենից առաջ հատուկ ուշադրութեան է արժանի այն պարագան, որ չնայած ինքնաձաղկում-ինքնանվաստացումին, որի բուն իմաստի նորովի մեկնաբանութիւնը մենք տվել ենք մեր «Մարդու ճակատագրի նարեկացու ընկալումը» հոդվածում¹, նարեկացին այնուամենայնիվ մարդուն ընկալում է որ-

¹ Տե՛ս «Պատմա-բանասիրական հանդես», 1986, № 3, էջ 16—26:

այնս աստօծու արարչական գործի գերագույն արգասիք ու բնության ամենաբուխն ու կատարյալ մասնիկ, իբրև ինքնատիպ տեսակագործված «միկրոտաշխարհ», անգամ մի ավարտուն ու զմայլելի «միկրոտիեզերք»։ Քերթողը մարդուն արհեստականորեն չի տարանջատում, չի երկփեղկում, այլ նրան դիտում է իր ամբողջության մեջ՝ իբրև երկու կարևոր էությունների՝ մարմնական ու հոգեկան նախասկիզբների մի զարմանալի ներդաշնակ ու անբաժանելի միասնություն, որոնցից էլ սկիզբ են առնում մարդու երկու կարգի ունակությունները, մեկը՝ կապված մարմնականի (ֆիզիկականի), մյուսը՝ հոգեկանի (բանականության, զգացմունքի) հետ։

Մարդկային էության նկատմամբ, որպես մարմնականի ու հոգեկանի միաձուլվ ու համաչափ մի ամբողջության, Նարեկացու հայացքի բուն էությունը պարզելու տեսակետից բացառիկ հետաքրքրություն է ներկայացնում հատկապես «Ողբերգության մատյանի» ԽՁ գլուխը։ Այստեղ ամենից առաջ ուշադրվում է այն ինքնատեսակ ներքին բավականությունը, մենք կասեինք, անգամ, հիացմունքի բավական թափանցիկ զգացումը, որով հեղինակը շարունակում է յուրովի զարգացնում է իր իսկ տաղերում արտահայտած գաղափարը՝ վերստին ընդգծելով մարդկային դոյի անթերի ֆիզիկական կատարելությունը, խոսում մարմնի անդամների՝ ֆունկցիոնալ առումով խիստ նպատակահարմար ստեղծված լինելու մասին, արծարծում մարդու բանականության ու նրա ստեղծագործելու կարողությունների փոխադարձ կապի հարցերը և այլն²։

«Ըստ ձեռքի հրեշտակի» ստեղծված մարդու մարմնական կառուցվածքի նկարագրությունը բանաստեղծն սկսում է զույգ ոտքերից ու ձեռքերից.

Ահա ի յոռս տանողականս
Կողաց Լրկուց միակցորդ խորհրդականաց,
Ըստ ձեռքի հրեշտակի կառուցար,
Իբր ի թոխս թևոց կրկնարարձ բազկաց վերատանողաց՝
նոշխարհն հայրենական հայել...³ (բան ԽՁ, բ)։

Այնուհետև Նարեկացին տալիս է մարդու «նյութական շինվածքի» տարատեսակ ու տարաբնույթ անդամների, անգամ ամենաանշանների, շատ կարճառոտ, բայց չափազանց դիպուկ ու գեղեցիկ ընդհանուր բնութագրեր։ Ընդ որում, բանաստեղծն առանձին ուշադրություն է դարձնում ոչ միայն այդ անդամների քանակով ճշգրիտ, այլև առհասարակ խիստ նպատակահարմար, միանգամայն որոշակի չափով ու կշիռով, բերթողի խոսքով ասած՝ «իբր կանոնաւ իմիք սահմանեալ», «անսխալ եւ անայլալիւի» ստեղծված լինելու վրա։ Ըստ քերթողի, մարմնի անդամներից՝

...Ոմանք ստուարք են եւ դարաւորք,
Եւ այլք փոքունք են եւ պիտանիք,
Կէսք՝ կարծրակերտք եւ աղողակունք,
Ե՛ն եւ զողտրականք եւ պատուականագոյնք,
Դարձեալ՝ կարեւորք եւ պատկառելիք,
Իսկ թարգմանութիւնք սոցին տեսութեան ի քեզ են նկարեալ՝

² Այստեղ, ի դեպ, մարդու մարմնի մասերի քանակի մասին Նարեկ վանականը կրկնում է միջին դարերում շատ տարածված հայացքը, որ եկեղ-հասել է մինչև Սայաթ-Նովա։ Ըստ այդ հայացքի, որ ամենայն հավանականությամբ վաղնջական դարերի հնություն ունի, մարդու մաշկ-միմր բաղկացած է հոգևորվ շաղկապված 360 մասերից ու 3 զգայարաններից, ընդամենը՝ 365, որ համապատասխանում է տարվա օրերի քանակին։

³ Նարեկացու պոեմի քաղվածքները վերցնում ենք հետևյալ հրատարակությունից՝ Գրիգոր Նարեկացի. Մատենան ողբերգութեան, աշխատասիրություններ Պ. Մ. Խաչատրյանի և Ա. Ա. Ղազիսյանի. Երևան, 1985 (այսուհետև՝ Մատենան ողբերգութեան)։

Իբր յարձանի անշնչականի, անձն իմ եղկելի,
Որպէս զի եւ տարր ժամանակաց
Եւ շարունակ հետեւման աւուրցն աւ պսակ ամին,
Իբր կանոնաւ իմիք սահմանեալ մասամբքդ՝
Անսխալ եւ անայլալիկ պահեսցի (բան ԽԶ, Բ)՝

Այնքանով, որքանով մարդու մարմնի անդամներից ամեն մեկն ունի իր հատուկ դերն ու նշանակությունը՝ և նրանց բոլորի ամբողջությունը մի միաձուլ, իդեալապես ճարտարված համակարգ է կազմում, ապա նրանցից յուրաքանչյուրի, անգամ ամենասակավանշանի պակասելու կամ խեղվելու դեպքում, քերթողի կարծիքով, տուժում է ոչ միայն մարմնական կառուցվածքի այս կամ այն հատվածը, այլև ինքը՝ ողջ կառուցվածքը, խախտվում է նրա աստծու կամքով ի վերուստ սահմանված համաշարփությունն ու անթերի ներդաշնակությունը:

Շատ ուշագրավ է, որ հայոց հոգևոր համախմբվածության գաղափարի մեծ նվիրյալ բանաստեղծը՝ մարդու մարմնական կառույցի անբակտեղի ամբողջականությունն ու ներդաշնակ կատարելությունը առանձնակի ուժով շեշտելու նպատակով այն համեմատում է ազգային եկեղեցու միասնության հետ, որ անտարակույս, քերթողի համար բացարձակ ու գերազույն արժեք էր: Ավելորդ է ապացուցել, թե ժամանակին նման համեմատության մեջ բանաստեղծական պատկերը որքան պատկառազու էր ներկայացնելու Նարեկացու խոհերի ընթացքն ու էությունը: Առանց մարմնի տարարժեք ու տարաբնույթ օրգանների փոխադարձ կապի ու համալրիվության, առանց բնաւից զուգամասնութեան, ինչպես խորհում է քերթողը, ողջ մարմինը կկորցնի իր զուրկությունն ու կդառնա հույժ տկար ու դյուրակործան:

Դարձեալ այլ արինակ հոգեւորական,
Որ զսիրոյն յաւդուած շաղկապէ ի մի առ եկեղեցի,
Քեւ խորհրդածի.
Իբր զի առանց բնաւից զուգամասնութեան
Կապակցել լծով հաւանականաւ զվեհն ընդ փոքուն,
Վնասեալ է հաստուածոյն անարատութիւն յանուն Քրիստոսի ժողովելոց,
Որպէս ի հատումն եւ ի նուազութիւն
Միոյ յանդամոցս անարգացս՝ պատուաստելոցս ի մարմնի,
Կրճատեալ իմն է յարինուած կազմութեան մարդոյդ քում սենեկի զգայականի,
Եւ շրջեալ է ընտանութիւն պատկերին յանկարգ փոփոխութիւն (բան ԽԶ, Գ):

Այսպիսին է, ահա, Նարեկացու կարծիքը մարդու ճշգրիտ անյութական շինվածքի, նրա մարմնական կառուցվածքի յուրահատկությունների մասին:

⁴ «Նարեկի ԽԶ գլխի Բ հատվածի վերաբերյալ տե՛ս Հ. Հ. Թամբադյանի «Անանիա Նարեկացի. Կյանքը և մատենագրությունը» շահեկան աշխատության (Երևան, 1986) 69—72 էջերը, ուր հեղինակը այս կապակցությամբ քննարկում է Գրիգոր Նարեկացու և նրա ուսուցչի քննադատական ու բժշկական գիտելիքների աղբյուրների խնդիրը՝ կապված անտիկ գիտության ու վանդների օգտագործման հետ: Հետազոտողը «Մատյանի» այս հատվածը իրավացիորեն որակում է որպես մի «ներբող մարդկային բնությանը, մի ներբող, որին, ուկայն, միացել է նաև յուրույդ գիտելիքը, հայացքն ու տեսությունը» (նշվ. աշխ., էջ 71—72): Հիմնավոր է թվում հեղինակի այն եզրահանգումը, ըստ որի «արդեն այն փաստը, որ նրանց գիտելիքներն այս առպարեզում չեն սահմանափակվում քրիստոնեական ժամանակաշրջանի նմանատիպ աշխատություններով՝ ինքնին խոսում է և վկայում է նրանց լայն մտահորիզոնի ու տեսադաշտի մասին: Այն մտածել է տալիս նաև Մ դարում կամ նրանից առաջ անտիկ դարաշրջանի բժշկարանների հայերեն թարգմանությունների գոյության հնարավորության մասին: Պարզ է մի բան՝ այն, որ այդպիսիք բնագրով կամ թարգմանաբար շրջանառության մեջ էին Նարեկա դպրոցում և ամենայն հավանականությամբ ընդգրկված էին նրա կրթական համակարգի մեջ» (նույն տեղում, էջ 72):

Ինքնին հասկանալի է, որ մարդու ֆիզիկական արժանավորությունների դոմինանտը, նրա մարմնական կառուցվածքի իդեալական ներդաշնակության դրվատանքը բանաստեղծի համար ինքնանպատակ բան չի եղել և պիտի կարծել, որ նա ըստ Լերույթին դրանով մեկ անդամ ևս ձգտել է հավաստել, հիմնավորել մարդու վեհամասն, նրա աստվածացման իր հումանիստական գաղափարը, քանզի քերթողի համար ամեն ինչով անթերի կատարելություն էր միայն ինքը՝ «բարձրություն անբովանդակելի», «գոյություն անճառելի» աստվածը, որին ամեն ինչով պիտի ձգտեր հասնել ու նմանվել «ի պատկերի իրում» ստեղծված մարդ-արարածը: Միանգամայն պարզ է, որ Վերածնություն դարաշրջանում, աշխարհիկ կյանքի և մտայնության հետզհետե ծավալման նոր պայմաններում, երբ իրականության ընկալմանը ու գեղարվեստական իմաստավորմանը այլևս չէին բավարարում հին, ավանդական մեթոդները, ավելի կոնկրետ աստվածաշնչի դոգման ու դոգմատիկ մտածողությունը, առավել կարևոր նշանակություն ու մեծ արժեք էր ձեռք բերում մարդկային բանականությունը, հանգամանք, որ, բնականաբար, չէր կարող իր արձագանքը չստանալ նաև գեղարվեստական գրականության մարզում: Ահա թե ինչու մարդու մարմնական բարեմասնությունները, նրա «նյութական շինվածքը» նպատակահարմարություն ու կատարելությունը ջատագովելու հետ մեկտեղ, թերևս դրանից էլ ավելի, Նարեկացու համար կարևորություն է ստանում մարդու մտավոր գոյությունը, նրա հոգեկան ուժի խնկարկույթը (հիշենք նրա մի ասույթը. «Բանականությանն յարգանալ կրկին ճոխացար...»), որով էլ, քերթողի կարծիքով, հենց առաջին հերթին մարդկային դուր առանձնանում է աստծու մյուս բոլոր արարածներից:

Այս առումով չափազանց ուշագրավ է, որ տակավին իր պոեմի առաջին դրուխտներից մեկում, որպես աստծու կողմից մարդուն պարգևած մեծագույն առանձնաշնորհում, գործելու աղատ կամքի կամ այլ կերպ՝ անձնիշխանության («Իշխանականին գոյի պճնեցեր»)՝ հետ միասին հումանիստ բանաստեղծը շեշտում է արարածներից միայն մարդուն բնորոշ բարձրագույն հատկությունը՝ բանականությունը, նրա «բանի» «գարդարվելը», մտքով «ճոխանալը», «հանճարով» հաստատվելը:

Որ արարեր զիս ի բո պատկեր պանծալի՝
 Ի ձևոն վեհիդ տպաւորութեան զտկարս աւանդակելով,
 Ձաւղարեցեր Բանի, փայլեցուցեր Իշխմամբ,
 Մտաւ նոխսուցեր, իմաստիւ աճեցուցեր,
 Հանճարով ճատատեցեր, ի շնչականացն որոշեցեր,
 Հոգով իմանալիս իւրաքանչեւ,
 Իշխանականին գոյի պճնեցեր,
 Ոնար հայրաբար, սնուցեր դայկապէս, տածեր ստացողապէս... (բան Ծ, բ):

Մարդու բուն մարդկային, հոգեկան բարեմասնություններին, նրա մտավոր վեհությունների բնութագրությանը ավելի լայն հայեցակետով բանաստեղծն անդրադարձել է պոեմի հիշյալ ԽԶ գլխում, ուր մարդու մարմնական և ստորինություններին զուգավար, կարելի է ասել, է՛լ ավելի մեծ պաթոսով

⁵ Պիտի եկեղեցի, որ այստեղ Նարեկացու վրա առկա է Եզնիկ Կողբացու ուղղակի ազդեցությունը, սրի երկում կարդում ենք. «ՅԱստուծոյ մարդկան այսպիսի ինչ լինել շնորի պատշաճ ասել, այլ ունել անձնիշխանութիւն եւ ազատութիւն առաջնոյ մարդոյն Եզնիկ յԱստուծոյ, եւ ի նմանէն զնոյն իւրոց պայազատացն ժառանգել: Եւ արդ առեալ զանձնիշխանութիւնն, ո՛ւմ կամի՝ ծառայանայ, որ մեծ շնորհն պարգևալ է նմա յԱստուծոյ...»: Եվ ապա. «Այլ Աստուծո յայնպէս պատուել զմարդն կամեցաւ, զի առ լաւութեանցն խելամուտ լինելոյ՝ զանձնիշխանութիւնն՝ պարգևաց նմա, որով կարող իցէ առնել զինչ և կամեցեր, և զանձնիշխանութիւնն նորա ի լաւն խրատէ դարձուցանել» (Եզնիկ վարդապետի Կողբացու Եղծ աղանդոց. Թիֆլիզ. 1914, էջ 29, 30):

ու կրթով նա դրվատում է մարդկային բանականությունը և դրա շնորհիվ միայն մարդուն տրված առանձնահատուկ ինտելեկտուալ կարողությունները՝ մտածելու և խոսքի միջոցով մտքերն «անարգել լեզուով» արտահայտելու ունակությունը, մարդու ձեռքերի «յարմարոստեան» (ճարպիկ, աջողաձեռն) ու գործուն մատերի՝ ամեն ինչ ճարտարելու արվեստը, որին, բանականության հետ միասին, բացառիկ նշանակություն է տալիս բանաստեղծը, քանզի այդ արվեստի շնորհիվ է, որ մարդը կարողանում է ստեղծել բազմաթիվ բարիքներ ու իր առօրյա կյանքի պետքերը հոգալ (զգգործնականացն տնաւրինել՝ զտնտեսութիւն») և այլն։ Միով բանիվ, քերթողի ընկալումով աստծուց իբրև գերազույն պարզ և ստացած բանականության և ստեղծագործել-արարելու ձիրքի շնորհիվ է, որ արարածներից սոսկ միայն մարդն է դարձել աստծուն գործակից, նրան համատոհմ (սիբր կցորդ համացեղութեամբ ամենաբաշխ աջոյն աստուծոյ...»), անգամ, ինչպես ասում է բանաստեղծը, արժանի աստված կոչվելու, որ պետք է հասկանալ, անշուշտ, ստեղծող-ստեղծագործող, արարող իմաստներով։

Փառաբանությունը քերթողն սկսում է մարդու գլխից.

Իբր զճրագ բազմաբերանեան
 Ի յաշտանակի մարմնիդ հաստատեցաւ զլիւոյդ բոլորութիւն,
 Զի եւ այսու ի յաւրինակէն շնորհէ մի՝ ատարասցիս
 Զաստուած տեսանել եւ զմնացականացն իմաստասիրել,
 Բանականութեան յարգանաւ կրկին եռխացաւ,
 Զի զյաղթանակ բարեմասնութեանն, որ առ քեզ եղեն,
 Անարգել լեզուով խաւեսցիս...
 Զեռինդ հաստամբ յարմարոստեան մատանցդ շառափղար՝
 Զգործնականացն տնաւրինել զտնտեսութիւն,
 Իբր կցորդ համացեղութեամբ ամենաբաշխ աջոյն աստուծոյ՝ աստուած կոչեցաւ
 (բան ԽԶ, ր)։

Այստեղ հարկ կա «Ողբերգության մատյանի» մեկ ուրիշ գլխից վերհիշելու մի հատված ևս, ուր այլ կողմից է պարզաբանվում Նարեկացու միտքը.

Եւ զոր ահաւորն է ասել, կարգեմ աստանաւր,
 Յիշատակ եղեալ մեծիդ երախտեաց՝
 Աստուած իսկ լինել ընաբութեամբ շնորհին
 Եւ ընդ հաստողիդ միանալ տէրունի մարմնոյդ ճաշկամար
 Եւ ընդ լուսոյդ կենաց խառնութեամբ,
 Զոր կատարումն երբանիկ խոստման... (բան ՄԲ, գ)։

Ահա թե ինչ խիստ ուշագրավ հայեցակետով է ընկալել մեծ մտածողն ու հանճարեղ բանաստեղծը բանականության շնորհիվ մարդ-արարածի վեհացման, նրա աստվածացման գաղափարը, որով և մեծապես պայմանավորված է նրա հոգեմղումը «Ողբերգության մատյանի» հումանիստական վիթխարի լիցքն ու վերածնական միտվածքը։

Վերը քննարկված պորբլեմների կապակցությամբ անհետաքրքիր չի թույլում մի հարց. մարդու մտավոր ու ֆիզիկական առաքինությունների մասին Նարեկացու հայացքների ձևավորման վրա արդյոք որևէ ազդեցություն չեն ունեցել անտիկ փիլիսոփայական և բնափիլիսոփայական պատկերացումները, որոնց, պիտի կարծել, հազիվ թե անհաղորդ լինեն Նարեկա համբավավոր վանքի դպրոցում, հմուտ գիտնական ուսուցչի ձեռքի տակ կրթություն ստացած, հետագայում ինքնազարգացմամբ ծով գիտելիքների հասած Գրիգոր Նարեկացին։ Հավաստի տվյալների բացակայության պատճառով, իհարկե, դժվար է առաջադիր հարցին որոշակի պատասխան տալ, բայց որոշ փաստեր

կարծես թե թույլ են տալիս իրավազոր համարելու նման հարցադրումը:

Մեզ դրազեցնող խնդրի կասկածելիքամբ, մասնավորապես, հետաքրքրական են թվում Արիստոտելի «Կենդանիների մասերի մասին» աշխատության մեջ արտահայտված որոշ մտքերը, որ վերաբերում են մարդու մարմնի կառուցվածքի յուրահատկություններին, նրա մտավոր ու ֆիզիկական ունակությունների փոխադարձ կապին ու պայմանավորվածությանը, մարդու բուն մարդկային էության առավել կարևոր հատկանիշների բնութագրությանը և այլն: Չափազանց ուշագրավ է, օրինակ, մեծ փիլիսոփայի հետևյալ դատողությունը. «Մարդը առջևի երկու ոտքերի ու թաթերի փոխարեն ձեռքեր և, այսպես կոչված դաստակներ ունի, որովհետև նա: կենդանիներից միակն է, որ ուրիշ է կանգնում: Դա հետևանք է այն բանի, որ մարդու բնույթն ու էությունը աստվածային են. չէ՞ որ աստվածային էակի գործը բանականորեն մտածելն է...»⁶ (ընդգծումը մերն է—Վ. Ն.): Շարունակենք հետևել Արիստոտելի մրտերին. «Մարդը բնականից ուղղաձիգ լինելով: առջևի ոտքերի կարիք չունի և դրանց փոխարեն բնությունը նրան ձեռքեր ու ձեռքի դաստակներ է տվել: Թեև լեռնաբազորն ասում է, թե մարդը կենդանիներից ամենաբանականն է շնորհիվ իր ձեռքերի, բայց տրամաբանական է ենթադրել, որ բանական լինելու հետևանքով է, որ նա ձեռքեր ունի: Զե՞ որ ձեռքերը գործիք են, իսկ բնությունը, ինչպես և բանական մարդը, ամեն մի իր տալիս է նրան, ով կարող է այն օգտագործել: Ավելի շուտ պատշաճ է, որ ֆիզյոսան տրվի նրան, ով իսկապես ֆիզյոսահար է, և ոչ թե ֆիզյոսա ունեցողին այդ գործիքը նվազելու արվեստի դասեր տալ...»: Վերստին անդրադառնալով մարդու բանականության և ստեղծագործող ձեռքերի փոխհարաբերության խնդրին, մեծ փիլիսոփայն շարունակում է. «...եթե այդպես «ավելի լավ է», իսկ բնությունը հնարավորից միշտ ավելի լավն է ստեղծում, ապա մարդը ամենագիտակից կենդանին է ոչ թե այն պատճառով, որ նա: ձեռքեր ունի, այլ նա ձեռքեր ունի, որովհետև ամենաբանական էակն է, քանզի ամենաբանական էակը լավ կօգտագործի շատ գործիքներ, իսկ ձեռքը, անկասկած, ոչ թե մի գործիք է, այլ՝ շատ. այն ասես գործիքների գործիք է: Հենց նրան, ով կարող է ավելի մեծ թվով արվեստներ ընկալել, բնությունը տվել է ձեռքեր, որոնք գործիքների մեջ առավել պատրաստակներն են»:

Նարեկացու ուշադրությունը կարող էին գրավել նաև Արիստոտելի ինքնատիպ դատողությունները մարդու մարմնական կառուցվածքի ներդաշնակ կառարելության, նրա անդամների բացառիկ նպատակահարմար ստեղծված լինելու մասին և այլն, որոնք, իրոք, շփման հետաքրքիր եզրեր ունեն և լավադույնս ներդաշնակում էին մարդու մտավոր ու ֆիզիկական բարեմասնություններին, նրանց փոխադարձ կապին, մարդու բանականության ու ստեղծագործական ունակությունների առնչակցությունների մասին Նարեկացու վերը քննարկված ընկալումներին և առհասարակ մարդ-արարածի մասին նրա պաշտպանած հումանիստական իդեալի սկզբունքներին:

Հարկ կա նկատելու, որ եթե անգամ Նարեկա վանական քերթողը անմիջականորեն ծանոթ չի եղել Արիստոտելի նշված աշխատությանը (որը մեզ քիչ հավանական է թվում), ապա նա կարող էր դրանց մասին տեղեկանալ այլ աղբյուրներից, ինչպես, ասենք, անտիկ բժշկագիտության դասական դեմքերից մեկի՝ Կլավդիոս Դադիանոսի (Կլավդիոս Գալեն, մ. թ. II դար) գրվածքներից և կամ թե վաղ բյուզանդական գիտության նշանավոր ներկայացուցիչ Դրիգոր Նյուսացու «Յազագս կազմութեան մարդոյ» աշխատությունից, գուցե և Նմեսիոս Նմեսացու «Յազագս բնութեան մարդոյ» երկից և այլն: Նման աշխատությունները, ինչպես հայտնի է, անտիկ և վաղ բյուզանդական գիտության այլ կարկառուն դեմքերի գործերի հետ միասին, բավական տա-

⁶ Аристотель. О частях животных. Перевод с греческого. вступительная статья и примечания В. П. Карпова. М., 1937. с. 149.

⁷ Նույն տեղում, էջ 151.

րածված են եղել միջնադարյան Հայաստանում, և նրանցից օգտվել են շատերը, այդ թվում նաև հայ միջնադարի խոշորագույն բժշկապետ Ամիրդովլաթ Ամասիացին: Այստեղ, որպես օրինակ, Գաղիանոսի «Մարդկային մարմնի մասերի նշանակության մասին» աշխատությունից մեջ բերենք հետևյալ հատվածը. «Ինչպես որ մարդը բոլոր կենդանի էակներից ամենագիտակիցն է, այդպես էլ նրա ձեռքերը իմաստուն էակին համապատասխան գործիքներ են հանդիսանում. չէ՞ որ մարդը ամենաիմաստունն է կենդանի էակներից ոչ թե այն պատճառով, որ նա ձեռքեր ունի, ինչպես ասում է Անաքսագորը, այլ նա ձեռքեր ունի, որովհետև ամենաիմաստունն է, ինչպես դա հայտարարում է Արիստոտելը, որը դատում է շատ բանականորեն: Իրոք, ոչ թե իր ձեռքերի, այլ իր բանականության շնորհիվ է, որ մարդը սովորել է բոլոր արվեստները: Ձեռքերը մարդու գործիքներն են, ինչպես քնարը՝ քնարահարի, ունելին՝ դարբնի համար: Զէ՞ որ քնարը չի ստեղծել երաժշտին և ոչ էլ ունելին՝ դարբնին, բայց նրանցից ամեն մեկը մասնագետ է՝ համապատասխան իր օժտվածության...»⁸:

Միանգամայն հնարավոր է, որ անտիկ բնափիլիսոփայական մտքի նըման եզրահանգումները, իսկապես, կարող էին խթանել Նարեկացու մարգերգության վերը բնութագրված սկզբունքները կամ ինչ-որ չափով ազդեցություն ունենալ այդ սկզբունքների ձևավորման վրա⁹:

Նարեկացու մոտոմանտալ երկում տեղ են գտել մարդկային իմացության ամենատարբեր բնագավառներին վերաբերող, կարելի է ասել հանրագիտական բնույթի տվյալներ, որոնց քննական վերլուծությունը, անշուշտ, նոր շերտեր կբացի հայ ստեղծագործական հանճարի այդ զարմանահրաշ կերտվածքում, կնպաստի առավել ամբողջացնելու նրա համակողմանի բնութագիրը:

Բազմաթիվ հետաքրքրական խնդիրներից այստեղ, որպես օրինակ, «Ողբերգության մատյանից» հիշենք նրա մի փոքր հատվածը, ուր բանաստեղծը մարդու հոգեկան ցավերը ամոքելու հաջն արժարժեքի առիթով փաստորեն տալիս է իր ժամանակի բժշկական արվեստի հիմնական եղանակների, բուժման գլխավոր միջոցների դասակարգումը՝ «հատում» (արյունահոսություն), խարանում, «սրագործություն» (վիրահատություն) և «դեղատվություն» (թեթևակալիկ միջոց)։

Որ ո՛չ կարատանաս սպեղանեաց,

Առ պատրաստութիւն պատանաց հոգեկան վիրաց,

Ո՛չ ժամանակի, ո՛չ միջնորդի,

Ո՛չ աւուրց հրկարածգութեան,

Ո՛չ փոփոխ մատուցանելոյ,

Ո՛չ հատման, ո՛չ խարանման, ո՛չ սրագործութեան՝

Ըստ երկրաւորս դեղատուութեան,

Առ որս միշտ է վրիպութիւն

Եւ ամենասխալ տարակուսութիւն (բան ԽԳ, ք)¹⁰:

⁸ Sб'и К л а в д и й Г а л е н. О назначении частей человеческого тела. Перевод с древнегреческого проф. С. П. Кондратьева. М., 1971, с. 57.

⁹ Առհասարակ կարծում ենք շատ շահեկան կլինի հանգամանորեն ուսումնասիրել Նարեկացու բնափիլիսոփայական հայացքների ու անտիկ գիտության աղբյուրների հարցը՝ հատուկ ուշադրություն դարձնելով, մասնավորապես, «Նարեկի» բժշկագիտական-բուժական բովանդակությունները, որոնց ակունքը, թեև, հավանաբար ազգային ժողովրդական բժշկությունն է, բայց միաժամանակ հետաքրքրական է պարզել դրանց առնչությունները անտիկ գիտական պատկերացումների հետ:

¹⁰ Այս հատվածի առիթով տե՛ս Նարեկ աղօթից, համառօտ և զգուշաւոր լուծմամբ բացայտիւ միանգամ ե այժմ երկրորդ անգամ յաւելուածով, աշխատասիրութեամբ նոթին տեառն հ. Գաբրիէլ Աւետիքեան աթոռակալ վարդապետի. Վենետիկ, 1827, էջ 216—218, ծանոթ. 3 և 4 (այսուհետեւ՝ Ավետիքյան):

Վերադառնալով մեր քննարկած հիմնական խնդրին՝ մարդու էութեան ըմբռնմանը, հարկ ենք համարում շեշտել այն մեծ նշանակութիւնը, որ Նարեկացին տալիս է մարդու մտավոր եարողութեանը, բանական էակի կառավարող գործընթացին, առանց որի, ինչպես կարծում է բանաստեղծը, թե՛ կյանքում եւ թե՛ բնութեան մեջ ոչինչ չի կարող կանոնավոր ընթացք ունենալ եւ ոչ մի դրոժ բարեհաջող ավարտի չի կարող հասնել։ Այս առումով հույժ նշանակալից են քերթողի մտքերը.

Ձի ո՛ր Լերւի հարթ ընթանայ Երկար առանց սանձակալի,
 Եւ ո՛ր նաւ համբառնայ հանգէպ առանց ուղղչի,
 Եւ ո՛ր արտւր կշիռ ինչ դրոժէ առանց մաճակալի,
 Եւ ո՛ր Երկուորեակք լծոցն ի ճա՛հ ճեմեսցին առանց Եզողի,
 Ո՛ր ամպ վերալու՛ առանց հողմոյ,
 Ո՛ր աստեղը ցնդին Եւ կամ գումարին առանց ժամանակի,
 Ո՛ր արեգակն փոփոխեալ ուր շրջանակի առանց տարրական աւղոյ,
 Եւ ո՛ր Ես, նոքսուր հանդերձ՝ առանց բարեգործիդ հրամանաց ակնարկութեան¹¹
 (բան ԾԴ, ր)։

Ինքնին հասկանալի է, որ այս ամենի մեջ վանական բանաստեղծը, բնա-
 Պանարար, պիտի տեսներ աստվածային գերագույն կամքի արտահայտութիւն-
 նը, որ միանգամայն բնական է, բնորոշ ու հասկանալի իր ժամանակի ընդ-
 հանուր մտայնութեան առումով։

Հարկ կա նշելու նաեւ հետեւելու Որքան էլ բարձր գնահատենք Նարեկա-
 ցու մարդերգութիւնը ու այն, իրավամբ, դիտենք որպէս իր ժամանակի հա-
 մար վերածննդական հումանիզմի բարձր արտահայտութիւն, այնուամենայ-
 նի՛վ պիտի ասենք, որ բանաստեղծի պատկերածը տակաւին ապաշխարող
 մարդն է՝ իր մարդկային էութեան որոշակի սահմանավանդութիւններով։ Եթե
 կարելի է այսպէս ասել, «իւրեքն է մարդը»՝ իր ողջ էութեամբ, բուն մարդկա-
 յին հույզերի ու զգացումների լիազին ու հարուստ կենսաշխարհով, իր սրտի
 նվիրական գաղտնիքներով ու Երազանքներով, պոեզիայում հանդես պիտի
 գար Նարեկացուց մի Երկու դար հետո միայն՝ հայ միջնադարւան աշխարհիկ
 տաղերգութեան մեջ, որի ձեւալորման ու զարգացման գործում, իրոք, ան-
 հնար է անտեսել Գրիգոր Նարեկացու ստեղծագործութեան դերը։

2

Գրիգոր Նարեկացու քերթողաշունչ «Մատենան» ամբողջութեամբ վերց-
 րած, ըստ էութեան, մի սքանչելի համանվագ ու խիստ ինքնատիս մարդե-
 րգութիւն է, ուր բանաստեղծն, ասես, ամենուրեք դաշնութիւն է որոնում իր
 կրօնական համոզմունքների եւ մարդու կատարելագործման, նրա (ինչպէս եւ
 առհասարակ ողջ մարդկային ցեղի) փրկութեան հումանիստական իղեալի
 միջեւ։ Որոշ իմաստով անգամ կարելի է ասել, որ Նարեկ վանականը այդ
 բարձր իղեալի հայեցակետով «խմբագրում» կամ «սրբագրում է» կրօնական
 դոգմայի առանձին հայտնի դրույթները, եւ այնպէս է թվում, որ բոլոր հիմ-
 քեր կան խոսելու Նարեկացու մոտ կրօնական աշխարհայեցողութեան հումա-
 նիզացիայի մասին, հանգամանք, որ, ըստ երեւոյթին, պետք է գիտել իբրեւ
 հեղինակի վերածննդյան գաղափարաբանութեան մի բնորոշ յուրահատկու-
 թիւնը։

¹¹ Պղծերգութեան մատյանից մեջ բերված հատվածի ընդունելի վերծանությունը տվել է
 Նարեկացիագետ Արշ. Ղադրեյանը. տե՛ս Մատենան ողբերգութեան, էջ 1062, ծան. № 2։ Վերը
 շոշափված հարցի առթիվ, կարծում ենք, ավելորդ չի լինի վերհիշել նաեւ «Հարություն» տաղը,
 ուր ես, ինչպէս հայտնի է, յուրվի դրսևորվել է մարդու (սեփոխի), որպէս բանական էակի,
 փառալուրդ դրույթիւնը։

Դաշնության որոնման վերահիշյալ մտայնությունն իր ինքնօրինակ դեր-սերումն է ստացել «Նարեկի» գաղափարական ճոխ բովանդակության տար-բեր մարզերում, այդ թվում, մասնավորապես, մարդ-արարածի հոգեբանու-թյան, նրա հուզական աշխարհի բանաստեղծական վերծանման բնա-գավառում: Ըստ ամենայնի թափուցելով մարդկային հոգու նվիրական ու ամենախոր գաղտնածալքերի մեջ, Նարեկացին տվել է բանաստեղծական արվեստի այնպիսի փայլուն հայտնություններ, որոնք, կարելի է ասել, այդ-պես էլ անհասանելի մնացին՝ ընդհուպ մինչև նոր ժամանակները: Գրիգոր Նարեկացին, իրավ, մի զարմանալի ինքնատիպ հոգեմեծ ու հոգեխույզ բա-նաստեղծ է՝ այս հասկացությունների ամենալայն ըմբռնումով:

Նարեկացու մարդերգությունը բնութագրվում է հոգեբանական վերու-ծումների բացառիկ նրբությամբ ու բազմերանգությամբ, վիթխարի հուզա-կան լիցքով ու լարվածությամբ, հատկանիշներ, որոնց շնորհիվ «Մատենան ողբերգութեան» պոեմը դարձել է միջին դարերի հայ անձնական քնարերգու-թյան ամենաբարձր գագաթը, որի դիպուկ բնութագրությունը տվել է Նարե-կացու քերթողական ժառանգության փայլուն մեկնաբանը՝ Հովհաննես Թու-մանյանը: «Այո, հիրավի,— գրել է նա,— եայ ճանճաբը կարողացել է խոսել մարդկային սրտի ամենամալիքական ու ֆեֆույզ գագամունքների հետ և կա-րողացել է ճասնել մինչև Գրիգոր Նարեկացին»¹² (ընդգծումը մերն է—Վ. Ն.):

Մարդկային հույզի ու զգացմունքի արտահայտման անաղարտ անմիջա-կանություն ու առինքնող անկեղծություն, առավելագույն խորություն ու անզուգական ճշմարտացիություն,— ահա Նարեկացու «Մատենան ողբերգու-թեան» պոեմի քնարական արվեստի գլխավոր արժանիքները, որոնք միա-ժամանակ առհասարակ ամեն մի բարձր պոեզիայի բնորոշ յուրահատկու-թյուններն են հանդիսանում: Նկատենք, որ Նարեկացու քերթողական ժառան-գությունը գլուխգործոցի, այդ «աստվածախոս մատյանի» պոետիկայի նշված առանձնահատկությունները տակավին մեր դարասկզբին նշմարել ու ընդգը-ծել է ֆրանսիացի գրող և արվեստաբան Դաբրիել Մուրեն, որի իրավացի դիտումով «...ոչինչ այնքան արտասովոր, այնքան խռովահույզ և միաժամա-նակ այնքան համակող չէ, որքան նրա (Նարեկացու) տաճնապալի ճիշերը, հույսի տվյալանքները, զղջման մորմոքները... սոսկումները, պոռթկումները, փայլատակումները, մոլեգնության այն վիճակները, որոնց միջև հոգով ու մարմնով տարուբերվում է ու տառապում և որոնցով հափշտակվում է հեք վանականը: Նրա պոեզիան, ասես, բռնկված է տենդով, բայց միշտ մնում է մարդկային՝ իր մեջ արժանալիված գագամունքների ճշմարտացիությամբ, ճշգրտությամբ ու ճամբարձակ ռեալիզմով»¹³ (ընդգծումը մերն է—Վ. Ն.): «Մատենան ողբերգութեան» պոեմի տարբեր հատվածներում քերթողը հատ-կապես հաճախ է անդրադառնում, օրինակ, «կամք ամենաբարի», «մեծու-թիւն ահեղ» աստծու և նրա «ապաւինութիւն նորոգ», «սխրալի մարդասիրու-թիւն» միածին որդու առջև, «յուսակտուր աւդով», «ցամաքած», «դառնա-շունչ հողմով» «շրջանակված» միջնադարյան հավատացյալ մարդու մեղքերի անկեղծ խոստովանություններին ու աղերսախառն մեղանշումներին՝ առատո-րեն հեղեղելով դրանք հոգեբանական զարմանալի նուրբ դիտարկումներով, զգայացունց խոսուն պատկերներով: Ահա մի բնորոշ օրինակ.

Ջպարտութիւնս խոստովանիմ եւ զմեղանս հրապարակեմ,
կշտամբանաց քարամբք կոծիմ եւ հառաչանաւք սրտիս տապանամ,
ի խէթ խղճիս խոցոտիմ եւ բոցով շնչոյս ճենճերիմ,
Աղի ցաւով արտասուացս այրիմ եւ երկամանցս ազդամբ կիզանիմ,

¹² Հովհաննես Թումանյան. Երկերի ժողովածու. հ. IV, Երևան, 1969, էջ 241.

¹³ Poèmes arméniens anciens et modernes. Traduits par Archag Tchobanian et précédés d'une étude de Gabriel Mourey sur la Poesie et l'Art Arméniens, Paris, 1902, p. 24.

Յուսակտուր աղով ցամաքիմ և զառնաշունչ հողմով շիջանիմ,
 Քախանձանաց բանիւս Լերերիմ և կողկողագին հեծովեամբ զողամ,
 Տափանևի կրիւք տուայտիմ և տազնապաւ հոգւոյս տատանիմ,
 Ի կոծ մրրկաց ծիփիմ և ի բախմանի ալեաց սասանիմ,
 Ի յրութենի համբաւոյն սարսևի և յիշատակաւ աշին կորնչիմ,
 Կերպարանաւք ատենին հայրիմ և սպանալեալք մեծից մեռանիմ... (բան ԿԶ, է)։

Հուղական նույնպիսի անկեղծ շնչակրով ու կրքի ինքնատիպ շիկացումով է հագեցված աշավոր վշտերի ծանրութիւնից ճնշված, «տարակուսանաց խաւարի» մեջ ցավադնորեն խարխափող, միմյանց անընդհատ հաջորդող ու մեկը մյուսից դժիւսմ վիճակներից դուրս գալու համառորեն Լիք որոնող մարդու՝ խորապէս մարդկային ու ծանր ապրումների ճշմարտապատում, Գարրիկ Մուրիկ խոսքով ասած՝ «համարձակ ունալիզմով» տրված նկարագիրը։

Նւ արդ, զիա՞րդ առից մխիթարութիւն այսբանեաց վշտաց,
 Նւ կամ ընդ ո՞րքանեաց տարակուսանաց խաւարի
 Լուսաւորութիւն յուսոյ կենաց խառնեցից,
 Նւ կամ ո՞ւր արդևիւ զգարչապարս ոտին կառուցից,
 Նւ կամ յո՞ր վստահութիւն դալս իմ յառնեցից,
 Նւ զի՞նչ անգորութիւն ծփանացս նկատեցից,
 Նւ կամ յո՞ր ըղձական դիւրութիւն ձեռն համբարձից...
 Նիւլ յանգնեցայց իրախշիլ յունդին¹⁴ (բան ԿԷ, գ)։

Նույն առիւնքնող հուզականութեամբ բանաստեղծը շարունակում է ծավալել իր խոհերը՝ ավելի ու ավելի ընդգծելով մարդու վիճակի խոր դրամատիզմը՝ իրական կյանքից վերցրած բազմաթիվ ինքնատիպ, առարկայական, կենդանի պատկերներով։

Նիւլ ի ակարսն խիզախեցից, վատնիմ ի պիծակա՛ցն,
 Նւ զի՞ պիտոյ ևն ինձ առիւծունք,
 Նիւլ յարջոցն պատառողաց ապրեցայց,
 Մժի՛ղքն՝ արեան ծաւալի՛քն, ինձ պատահեսցեն,
 Նիւլ յանհոգս ուրեք նստիցիմ,
 Մժղո՛ւկքն անարգագոյնք, իբր ցնցուղս հոյ ևռացման, զինեւ մաղեսցին,
 Նիւլ յեղջերի միկղջերոյ իրախնուցում դերծեալ,
 Նկո՛ւն ճիւղնք աղկաղկաց մեռցն մորմորողաց գիս կեղեքեսզեն,
 Նիւլ ի սենեակս շտեմարանաց խորշից դաւեալ ամփոփիցիմ,
 Տաղտկատեսակ գարշութիւն գորտո՛ցն գիս դազրացոսցեն,
 Նիւլ ի վայրս ինչ անդաստանաց կացեալ զետեղեցայց,
 Շարք շանաճանճո՛ցն տարմից զինեւ պատեսցեն,
 Թողում ասել զխառնիճն և զջորեակն՝ զգարն գաւաւոր,
 Ընդ թունաւորն թրթուր և ընդ անկենդանական երեւիւն,
 Հանդերձ ջրակարծ կարկտիւն և տպականագործ եղեմամբն,
 Որ առ աշաց տեսիլ ապազինք և նուստագոյնք... (բան ԿԸ, ե)։

Հապա հոգեբանորեն որքան ճշմարտացի է հնչում կյանքում մշտապես բարձրին ու իդէալականին ձգտող, բայց Քրիստոսի պատվիրանները չպահելու պատճառով, իր իսկ բանաստեղծի խոստովանութեամբ, ոչնչի չհասած, անգամ՝ նղածն էլ ամբողջովին կորցրած ու այժմ ձեռնունայն մնացած մարդու հույսերի փլուզումը, նրա անկեղծ զղջումի ու հոգեկան ծանր տվալտանքների իրապատում նկարագրութիւնը։

¹⁴ Այս մասին տե՛ս Ավետիքյան, էջ 348, ծան. ՁԵ 11։

Ոչ յառեցի զական ոգւոյս ի գլուխն իմ կենաց Քրիստոս,
 Որով ընդ ուղիղն հետեւեցայց,
 Քանզի կամելով ուժգինս ընթանալ՝ ընկլայ սաստկապէս,
 Յանշափն ձգտիլ՝ իմոյն ոչ հասի,
 Ի մեծագոյնն ամբառնալ՝ աստուտ զերեցայ,
 Յերկնային ուղւոյն՝ անգնդոց մատնեցայ,
 Ի զգուշանալն առաւել՝ յաւէտ վնասեցայ,
 Յանարատն պահիլ՝ մանր խորտակեցայ,
 Կարծելով ընդ ահեակն մրցիլ՝ յաջն գթեցի,
 Ի զերկրորդն խուզել՝ զնախնին կորուսի,
 Ի խնդիր սակաւուն՝ ի կարեւորացն զրկեցայ,
 Ի յուստին պահել՝ դաշինն դրժեցի,
 Առ սովորութեանն կտրիլ՝ կորուսիս գտի,
 Ի փոքունցն փախուցեալ՝ մեծամեծացն մատնեցայ,
 Զոր ես ինքն ինձէն ստեղծեալ՝
 Զարաշար դատախազ անձին կարգեցի (բան ԾԾ, դ):

Եթե մի պահ վերանանք բանաստեղծի համար գերագոյն կատարելութեան խորհրդանիշ հանդիսացող «գոյութիւն անճառելի», «առաքելութիւն անհասանելի», աստժու համեմատութեամբ մարդկային անձի անշափելի արատները, իր՝ ամեն կողմից խոցելի անկատարութիւնը խտացած գոյնեղութիւնը ընդգծելու հանգամանքից (որի, ո՛չ երեւութական, այլ իրական իմաստի մեկնաբանութիւնը մենք տվել ենք վերը նշված մեր հոգվածում) և պոեմի ողջ հյուսվածքի հիման վրա փորձենք կերպարանել արարչի կողմից «ի պատկերի իւրում» ստեղծված մարդկային էութիւնը (որի որոշ, հույժ կարեւոր կողմերին անդրադարձանք վերը), ապա կստանանք, իրոք, շատ հետաքրքրական պատկեր: Նարեկացու ընկալումով մարդը օբյեկտիվորեն, ըստ էութեան, բարձր է ու վեհ, անգամ հզոր է ու անկրկնելի հենց իր հոգեկան բովանդակ աշխարհի բազմերանգ հարստութեամբ, զգացմունքների խորութեամբ ու «փխրունութեան» հասնող նրբութեամբ և այդ, իրոք, խորապէս մարդկային հատկանիշների շնորհիվ է, որ մարդը, ամենակատարալը աստժու արարածների մեջ, արժանի է հիացմունքի ու երկուդած պաշտամունքի: Թվում է, թե հենց այստեղ պիտի որոնել «Ողբերգութեան մատյանի» հումանիստական բովանդակութեան գլխավոր մեխը: Հազիվ թե սխալվենք, եթե ասենք, որ վերը նշված հատկանիշների գեղարվեստական բացահայտումով «ենքին մարդու» պատկերումով նարեկացու մոտմանտալ քերթվածը բանաստեղծական արվեստի այնպիսի բարձրութեան է հասել, որի նման, իրոք, այնքան էլ հաճախ չի կարելի հանդիպել միջին դարերի ողջ համաշխարհային պոեզիայում:

Ահա, օրինակ, հոգեբանական վերլուծումների ինչպիսի՝ նրբութեամբ, երեւակայութեան որպիսի՝ ուժով ու բանաստեղծական նուրբ զգացողութեամբ է կերտել նարեկացին մարդկային էութեան ամենաբարդ դրսևորումներից մեկի՝ երկվութեան պատկերը: Մարդը ըստ բանաստեղծի,

Ի հանգստեան իւրում՝ վաստակեալ,
 Ի խրախութեան՝ ինքեան տրտմեցեալ,
 Դիմաք՝ ժպտեալ, եւ մտաք՝ խոցեալ,
 Կերպ՝ ի ծաղր, եւ աչք՝ ի յողբումն,
 Երեսք զսփոփանս ձեւացուցանէ,
 Ի, արտասուքն զդառնութիւն յրախն ճշմարտէ (բան Լ, բ):

Այնուհետև քերթողն իր բանաստեղծական խոհերի բազմաշերտ կծիկը ծավալում է հակադրութիւնների միջոցով՝ երանգային զարմանալի բազմա-

կերպությունը (որ նարեկացու պատկերային բարդ համակարգի մի կարևոր տուրհատկությունն է) հատկանշվող ու կառուցիկ պատկեր-համեմատություններով բացահայտելով մարդու ներհակ հոգեվիճակների բուն էությունը, նրան պաշարող իրարամերժ խոհերն ու զգացումները, որոնք որքան էլ արտասուտոր են թվում միևնույն անձի մեջ, նույնքան էլ խորապես մարդկային են ու իրական։ Աստիճանաբար նոր թափ հաղորդելով իր խոսքերի հոյությունը, բունաստեղծը շարունակում է.

Ըմպանակք երկու յերկոսին ձեռին,
Մինն՝ արեամբ, և միւսն՝ կաթամբ,
Երկու բորանոցք կայծակնաւորք,
Մինն՝ խնկով, և միւսն՝ ճննճերիւ,
Սկաւռակք կրկին կրաւորականք համոց,
Մինն՝ քաղցու, և միւսն՝ դառնութեամբ,
Բաժակք դոյզ առ երկուս բերմունս,
Մինն՝ արտաւսք, և միւսն՝ ծծումբ,
Տաշտք կրեցեալք ի ծայրս մատանց,
Մինն՝ դինի, և միւսն՝ լեղի,
Դրունք տեսանելաց ներհակաց,
Մինն՝ ի յայ, և միւսն՝ ի վրիպումն,
Նանուլք հայոցականաց հակառակութեանց,
Մինն արձարծի, և միւսն շիջուցանէ,
Հայեցուածի դիմաց երկուց,
Մինն՝ շոյքն օղորանալք, և միւսն՝ անանխայլի բարկութեամբ,
Համբարձումն երկակի բաղկաց,
Ոմն՝ ի հարուածս, և ոմն՝ ի մերժումն... (բան և, գ):

Եվ այսպես անվերջ...

Այստեղ բանաստեղծական հյուսվածքը իր բացառիկ էմոցիոնալ հագեցվածությամբ, իրոք, հոյակապ է¹⁵:

Արվեստի այս նույն բացառիկ ուժով բանաստեղծը տվել է մարդու բազմազարուստ ու բազմադիմի էություն, մարդկային ամենատարբեր հոգեվիճակների ամբողջական ու ցնցող պատկերները, որոնք մարդկային հույզի արտահայտման ներքին ուժով, հոգեբանական դիտարկումների նրբությամբ և ճշմարտացիությամբ ցայսօր էլ շատ կողմերով մնում են որպես պոեզիայի չգերադանցված, ընտիր նմուշներ։ Ինչպես դարեր առաջ, հարյուրամյակներ շարունակ, այնպես էլ ժամանակակից ընթերցողին զարմանք է պատճառում, իրոք, բանաստեղծի մտքի փխրասփայլական խորությունը, երևակայության անսանձ ու վեհաշուք թռիչքը, զգացմունքի անհատնում հորդությունը, բանաստեղծական դինամիկ պատկերի կառուցման ինքնատիպությունն ու գեղարվեստական հնարանքների բաղմականրպությունը, խոհի արտահայտման երանգային գերող նրբությունը:

Ինչպիսի՞ վայելուչ հոգեբանական դիտողականությամբ է տվել Նարեկացին, օրինակ, ծովի ալեկոծությունից փրկված, բայց «գարնանազայր գետոց» վայրենի տարերքին հանձնված, «ջրակուլ, ոգեսպառ պղտորարբությամբ» օրհասական վիճակի մեջ ընկած մարդու գեհնական տառապանքների իրապատում ու կենդանի նկարագիրը¹⁶:

¹⁵ Հմմտ. Մ. Մկրյան. Գրիգոր Նարեկացի. Երևան, 1955, էջ 207:

ՋԵ

¹⁶ Այդ պատկերը ևս, ինչպես «Մատանի» նկարագրություններից շատերը, այլաբանական ռեալիստիկ են. այնտեղ պատկերված է տարակուսանքից բզկտված մարդկային ոգու առապալից վրձալը, բայց այս հանգամանքը բնավ չի ստվերում պատկերի արժեքը բանաստեղծական արվեստի տեսակետից:

Եւ քանզի ի ծովս բազմավտանգս
 Ալետանշ հողմոյ սաստկապէս զգունալ,
 Ուժգին լկանաւք իսպառ տաքնապամար ի ծովին՝
 Փոխեալ ընկեցեալ ի վտակն վայրենական ողորիւ,
 Առ որս զմատունս ձեռացս ալոր անդր տարաբերեալ,
 Իբր ի հոսանաց բռնութեան գարնանազայր գետոց
 Արտաձգեալ յակամայ ընթացս ողորմագին գլորման,
 Զրակուլ, ոգեսպառ պղտորարբութեամբ,
 Դաժանահոտ, սկախառն, մամռարմատ, խռնախոփւ,
 Մահարեր երկամբք վանեալ,
 Ըստ որոց յուղխիցն հեղեղիցին հեղձուցեալ,—
 Այսու առակաւ եւ ես՝ եղկելիս.
 Խաւին՝ եւ ոչ իմանամ,
 Գոչեն՝ եւ ոչ ինչ լսեմ,
 Բարբառին՝ եւ ոչ զարթնամ,
 Հնչեն՝ եւ ոչ փոխագրիմ,
 Փողեն՝ եւ ոչ գումարիմ,
 Վիրաւորիմ՝ եւ ոչ եւս զգամ,
 Կոտցն գարշութեան նմանեալ՝
 Թափուր յազգմանէ բարեաց իմաստից,
 Արդարեւ շար առաւել յաւէտ իսկապէս,
 Քան զարինակդ ճշմարտութիւնս, ատելի եւ մեղադրելի
 Եւ ատենին Քրիստոսի արժանապէս մատենելի¹⁷ (բան ԾԴ, գ):

Վրձնելու արժանի մի կենդանի, հիրավի, անմոռաց պատկեր է նաև թախ-
 ծալի հայացքը ծովի ալիքների վրա տարուբերվող, նավաբեկությանից խոր-
 տակված իր նավի բեկորներին հառած, «ձեռն ի ծնաւտի եղեալ», աչքերից
 արցունքի գետեր իջեցնելով իր անդարձ կորուստը ողբացող «նաւուղիդի»
 հոգեբանական աղետալի վիճակի նկարագրությունը¹⁸, որը «Մատյանի»
 ամենասրտառուչ ու գեղեցիկ կտորներից է:

Հազիվ թե անհիմն լինի կարծել, որ ինչպես վերը մեջբերված հատված-
 ներում, այնպես էլ «Ողբերգության մատյանի» տարբեր գլուխների համապա-
 տասխան պատկերների մեջ յուրովի արտահայտվել է մաքուր և բնութային
 զարնություն մատչելությունը—մարդը կարծես հանդես է գալիս որպես բնու-
 թյան բնական շարունակություն, իբրև նրա մեկ այլ դրսևորում:

Միաժամանակ նկատելի է, որ եթե բնության պատկերները նարեկացու
 տաղերում սոսկ բնական կարի հանգամանք ունենին, ապա «նարեկի» մեջ բնու-
 թյունն, ասես, հանդես է գալիս մեկ այլ, առավել կատարյալ ֆունկցիայով՝
 բանաստեղծի խոհերի թարգմանի ու մեկնաբանի դերով, որն ինքնին բնու-
 թյան փիլիսոփայական նորովի ընկալման մեկ այլ յուրովի արտահայտու-
 թյուն է:

17 Մեջ բերելով «Մատյանից» այս կտորը, Մ. Մկրյանը նկատել է. «Այս հատվածը, որը
 նախ և առաջ մի սքանչելի բանաստեղծական համեմատություն է հոգևոր ներքին գրության
 պատկերման հետ, ընթերցողին ոչ միայն պլաստիկ տեսողական պատկեր է տալիս, այլև ձայ-
 նական—լսողական: Առաջին տողերում, որտեղ խոսքը հողմակոծ ծովի բազմավտանգ ալիքնե-
 րի վրա ընկածի կրած տաքնապի ու սաստիկ շարժարանքների մասին է, պարզ լսվում է հող-
 մերի ձայնը՝ Ս, Զ և Ժ բաղաձայներ ունեցող բառերի հաջորդականությամբ (սաստկապէս
 զգունալ ուժգին լկանօք...): Իսկ երբ նա վայրկենական հորձանքով բռնված սկսում է խեղդը-
 վել՝ իբր գարնանազայր գետերի հոսանքով ակամա տարվող մեկը, այն ժամանակ, վերջին տո-
 ղմում պարզ լսվում է խեղդվելու ձայնը Ռ, Խ և Դ բաղաձայներով հարուստ բառերի հա-
 ջորդականությամբ («Սկախառն մամռարմատ խռնախոփւ... յուղխիցն հեղեղիցին հեղձու-
 ցեալ»)» (Մ. Մկրյան. նշվ. աշխ., էջ 239):

18 Այդ պատկերը ևս այլաբանական բնույթ ունի: Այս մասին տե՛ս Մատեան ողբերգու-
 թեան, էջ 1012—1013, ծան. № 2,

Պրկկիւն չաւար չամառ ելք որոնող մարդու հոգեբանութեանը չափազանց բնորոշ են նրա հոգեկան ներաշխարհը ամբողջովին ակնկոծող ու տակնուվրա անող տարակույսները, որոնց առատութիւնը պայմանավորված է աստուածային էութեանը հասնելու, նրան միաձուլվելու ճանապարհին հանդիպող տարակուսանքները հաղթահարելու դժվարութիւնների հետ: Բոլոր դեպքերում մարդու էութեանը ցնցող այդ շարունակական տարակույսները խորապէս մարդկային են և դրանք էլ վկայում են բանական մարդու հոգեկան հարուստ ներքինի մասին, իսկ մյուս կողմից յուրովի համաստեղ են մարդկային դոյնի ներհակ բնութիւնը, որը եւ բնավ օտար չէ մարդկային էութեանը: Մեջբերելով ամբողջովին հարցումների ձեռք կառուցված մի հատվածից հետևյալ կտորը.

Արդ, իցի՞ ահն ունել նայել զյաւէտ խաթարեալ կերպարան բնութեանս
կրկին հանդերձեալ,
Իցի՞ արդեւ թէ տեսից գրակտեալ տաղաւար թշուառացելումս
միսսանգամ կանգնեցեալ,
Իցի՞ արդեւ յուսալի նայել զտարածերժեալ գերիս ազատեալ,
Ապարէն զօղի՞ ահն ունել զանկեալս ի շնորհիւ լուսոյ զարձեալ կաղդուրեալ:
Արդեւ սեւի՞ց զվայելութիւն բնտանից բո պայծառութեան յողորմութիւն
ինձ երեւցեալ,
Եթէ տեսի՞ց եւրբ դամենատխուր կերպարան հոգւոյս իմոյ մպտեցեալ,
Արդեւ լուսնոյց բնդ ձայնի դուժիս աւետեաց համբաւ ինձ առաքեցեալ,
Արդեւ տեսի՞ց զրիւրակործան վնասեցեալս անաթ կաղմեցեալ:
Իցի՞ թէ տեսցեն պատուհանք աշացս իմաստից զմուրհակ պարտուցս
իմոց պատառեալ (բան ԻԶ, դ):

Եւ հենց այս ողով ու ոճով էլ շարունակվում է ամբողջ հատվածը: Այս հատվածը, ի դեպ, առիթ է տալիս խոսելու «Նարեկի», այդ «հոգեշունչ մատյանի պոետիկայի մի հետաքրքիր հարցի մասին, որ վերաբերում է նարեկացու և ժողովրդական բանահյուսության կապի, թերեւս ավելի ճիշտ կլինի ասել ժողովրդական լալյաց բանաստեղծութիւններից» քերթողի կրած ուղղակի ազդեցության մասին: Բանն այն է, որ «Նարեկի» մի շարք հատվածներ ակնհայտ նպատակադրվածութեամբ գրված են նույնահանգ ոտանավորով, քանի որ այդ եղանակը, ինչպէս ծանուցում է բանաստեղծը, շատ պատշաճում է հորինվածքի ողբական բովանդակությանը, «թախծականացն կերպարութիւնքին», որով և զգացմունքների արտահայտութեանը դառնում է «առաւել սաստիկ մորմոքեալ», ցավագին, «կրկին ողորմելի», լալահառաչ ու սրտաւճախ¹⁹.

Եւ արդ, ստուգապէս և իրաւարար ընդ որս,
Որբ բառ ձայնից կողկողանաց
Եւ զրանիցն յարմարութիւն հանդերձեն՝
Ի նոյն պիւր բերեալ դաւարմունս տանցն,
Որովք առաւել սաստիկ մորմոքեալ ճմլեցուցանեն
Ջաղիտս կարեացն սրտին բղձից առ արտասուացն բղխմունս,—
Ուստի և բաղմեալ իմ ի զլուխս պարու ակմբից դասու այնր երախանաց,
Ուր զլալեագն յեղանակեն քանաստեղծութիւն,
Եւ ևս ընդ նոսին նոցին հեծութեամբ, աւաղական ձայնարձակութեամբ
Ջանձինս տարածանեմ զվշտակրութիւն... (բան ԻԶ, ա):

Եւ հենց այս, ԻԶ բանի հաջորդ երեք հատվածներում ևս, որոնք գրված են նույն ի հանգով, բանաստեղծն իր վերքոտ սիրտն է բացում տիրամոր

¹⁹ Այս մասին տե՛ս Մ. Արևիկյան. Երկեր. հ. Գ, Երևան, 1968, էջ 615: Մատենան ողբերգութեան, էջ 1016, ծան. № 1:

առաջ՝ արեւելոց հոգով ողորակով իր անպատասպար, թշվառ ու ստաբիլ վիճակը, սիստեմական հայցելով նրա միջնորդությունը աստծու առաջ՝ հանուն իր փրկության: «Մաալանի» այս և հարանման հատվածներն, իրոք, առանձնա՛նում են իրենց էմոցիոնալ բարձր լարվածությամբ, զգացումների արտա՛կարգ շիկացումով:

Մարգու տարրեր հոգեվիճակներն ահտացող փայլուն, հատվածներ էլի՛կարելի է բերել, որոնք մի նոր ու հետաքրքիր կողմից են բնութագրում «Մա-տեան ողորդություն» խոհանոցի սոփայական, իրոք, աստվածային պոեմը՝ բացահայտելով այդ մոնումենտալ բանաստեղծական հուշարձանի ինքնա-տիպ հոգեբանական խորքը, հավաստելով նրա արժեքը նաև նաբեկացու մարդերգության, մարգու հոգեկան կերտվածքի յուրահատկություններն ըստ ամենայնի բնութագրելու անսակեռից: Թվում է, թե բավականա՛պիսի միջբեր ունենք ասելու, որ «նարեկը» իր բնույթով ու բովանդակությամբ միաժամա-նակ որոշակի առումով մի ինքնօրինակ հոգեբանական ստեղծագործություն է և նաև այս առումով ամենանշանավորը հայ միջնադարյան պոեզիայի պատմության մեջ:

«Ողբերգության մատյանի» այսահղ վերլուծված ու հարանման արժե-քավոր ու հետաքրքրական հատվածները լրացնում, ամբողջացնում և յուրո-վի առավել պարզաբանում են բանաստեղծի հումանիստական ինքնատեսակ հայացքներն ու պատկերացումները մարգու մասին՝ որպես հոգեկանի ու մարմնականի մի ներդաշնակ, հոյակապ հրաշակերտի, որպես գերագույն արժեքի:

ВОСПЕВАНИЕ ЧЕЛОВЕКА В ПОЭМЕ «КНИГА СКОРБНЫХ ПЕСНОПЕНИЙ» ГРИГОРА НАРЕКАЦИ

Член-корр. АН АрмССР В. С. НАЛБАНДЯН

Резюме

В поэме «Книга скорбных песнопений» Григор Нарекаци (X в.) совершил новое творческое дерзание в направлении «открытия» человека (что, как известно, считается важнейшим достижением искусства и литературы эпохи Возрождения), существенно расширив рамки характеристики человека-личности, обогатив новыми чертами и усовершенствовав философские и эстетические принципы художественной трактовки человеческой сущности. Если в своих замечательных лирических песнях-тагах поэт довольствовался прославлением физических достоинств человека (пока под именем богоматери), то в «Книге скорбных песнопений» основной центр изображения перемещен на отражение сложного духовного мира человека, на «внутреннего человека» (хотя наряду с этим не игнорируется и телесное). Это требовало от поэта не только новых принципов исследования и оценки тайников человеческой души, но и новых выразительных средств для их художественного воплощения. Сущность этих средств, как показывает критический анализ ряда отрывков поэмы, обусловлена основными положениями возрожденческого гуманизма. Поэт воспринимает человека как совершеннейшую частицу природы, как гармоничное единство духовного и физического начал. Нарекаци представляет человека высшим проявлением божественного творения, особо акцентируя силу разума и оценивая человека-индивидуума прежде всего как разумное существо. Из некоторых данных можно предположить, что на формирование взглядов Нарекаци на роль разума человека и своеобразие его физического строения, а также на взаимоотношение этих двух начал оказали определенное влияние античные представления, в частности, философское учение Аристотеля.